



Concors de novèlas

1° Lo Lector del Val, Associacion de Bibliotècas del Lauragués (sud-èst de Tolosa), organiza son XXVen concors de novèlas, dobèrt a totes e a gratis, de octobre de 2022 a febrèr de 2023. Compta quatre categorias : primari, segondari, licèus, adultes. Los tèxts collectius son permeses se fan partida de l'ensenhament d'una classa tota.

2° Lo tèxt deu necessariament començar amb la frasa seguenta, qu'adralharà lo relat : "*Se remembra quand arribèt al vilatge, qu'aviá tant de vam et de projectes... Qu'es aquò que se'n virèt mal ?*" La forma es la novèla, lo genre es liure : fantastic, policièr, sciéncia-ficcion, istoric, romanèsc, aventura, etc... o pas brica de genre que siá. Totas las variantas de la lenga occitana son benvegudas, a carga pel participant de passar l'incipit dins sa varianta pròpia.

3° Cada candidat poirà presentar un **maximum de dos tèxts**, de pas mai de sièis paginas rectò simple (12 000 signes maximum, espacis incluses : a l'entorn de 30 linhas per pagina, interlinha 1.5, tipe de letra classica, còs 12, format 21x29.7). Las cal dactilografadas e foliadas (levat l'originala). Cal obligatòriament un **títol**. Solament un tèxt per autor poirà obténer un prèmi.

4° Los tèxts deuràn èsser mandats en **6** (categoria adulte) o **4** (categoria jove) **còpias** de papièr, e una còpia numeric **al mai tard lo 9 de febrèr de 2023**, a las adreças segentas : *Le Lector del Val, 1 rte de Saint-Léon - 31320 NOUEILLES* – mèl: *info@lecteurduval.org*. Se pòdon tanben pausar dins d'unas bibliotècas de las 25 aderentas (s'estresenhar de per abans) fins a aquela data.

5° Lo concors es anonim : pas de nom o escais-nom dins lo manuscrit. Tot signe distinctiu menarà a la cancelacion. Un **formulari d'inscripcion** junt al mandadís indicarà lo nom d'ostal, lo pichon nom, l'adreça postala, lo corrièl, l'atge, lo numerò de telefòn e, se ne vira, los ligams de l'establiment escolar e la classa del candidat. I aurà tanben un engatjament de l'autor sul caractari personal, original e inedit de l'òbra presentada, e una autorisacion dels parents pels minors, se ne vira. Pas cap d'escais-nom serà acceptat.

6° Los **candidats** s'engatjan, per la lor signatura, a garantir l'originalitat de las òbras que presentan, si que non pòrián èsser acusats de plagiat o contrafaiçon, e ne suportarián solets las consequéncias. Accèptan que lors tèxts (jos forma perfectament anonima, plan solid) sián prepausats a la lectura dins l'encastre de mantunas accions publicas organizadas per l'associacion, e pòscan tanben servir d'espleitacion scientifica dins lo cas d'un encastre partenarial amb lo CNRS o *Lo Congrès permanent de la Lengua occitana...*

7° Una **jurada** compausada de bibliotecaris de l'associacion, d'ensenhaires, d'elegits, d'escrivans, de lectors e de professionals del libre, balharà, per categorias, mantun prèmis en natura (libres, abonaments...) de **prene sul luòc**, e decidirà dels tèxts d'editar e d'enregistrar : un CD audiò dels melhors tèxts serà tanben fargat. De notar que, lo concors essent dobèrt als enfants e als joves, l'edicion se farà dins l'encastre de la lei de 1949 sus las **publicacions destinadas a la joinessa**.

8° Los **ganhants** seràn avisats per corrièr electronic. La remesa dels prèmis se debanarà lo **dissabte 3 de junh de 2023 a la mediatèca de Labastide-Beauvoir**, e la remesa dels recuèlhs de novèlas e CD als autors es prevista per **octobre de 2023**.

9° La jurada pòt demandar a l'autor de modificacions ortograficas o sintaxicas abans tota publicacion, e pòt passar lo tèxt en grafia classica, se cal. En cas d'**edicion o d'enregistrament**, los candidats premiats acceptan, sens cap de resèrva, que lo lor tèxt siá difusat per talhons o entièr, sus papièr, son e Internet (*Cirdòc, Lo Congrès, etc.*), sens cap de remuneracion. Accèptan tanben quin autre usatge que siá, a mira non lucrativa, tal coma lecturas publicas o utilizacion pedagogica o de recèrca. Gardan per contra lo drech de far tornar servir lor tèxt (reedicion, etc) amb la resèrva de mencionar lo prèmi del *Lector del Val*. Un **autor publicat dos ans de tira** poirà pas l'èsser un an de mai, mas garda lo drech de participar e la possibilitat d'èsser premiat e enregistat.

10° La **participacion** al concors implica l'acceptacion totala sens resèrva d'aquel reglament. Los organizators se resèrvan lo drech de modificar o de cancelar se de circonstàncias extèrnes lo necessitavan. La jurada se resèrva lo drech de decernir pas cap de prèmi se jutja que la valor dels tèxts prepausats es insufisenta.